

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22), na prijedlog Ministarstva zdravstva, Vlada Zeničko-dobojskog kantona, na 151. sjednici, održanoj dana 21.04.2022. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2022. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Transferi drugim nivoima vlasti“, subanalitika LAX 005 - „Tekući transfer za Kantonalni zavod za bolesti ovisnosti“

I.

Usvaja se Program utroška sredstava planiranih u Budžetu Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22) na na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Transferi drugim nivoima vlasti“, subanalitika LAX 005 - „Tekući transfer za Kantonalni zavod za bolesti ovisnosti“ u iznosu od 90.000,00 KM (slovima: devedesethiljada i 00/100 konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/22
Datum, 21.04.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA ZA 2022. GODINU
NA RAZJELU 21- MINISTARSTVO ZDRAVSTVA, BUDŽETSKA ORGANIZACIJA 01,
POTROŠAČKA JEDINICA 0001, EKONOMSKI KOD 614100 - „TRANSFERI DRUGIM
NIVOIMA VLASTI“, SUBANALITIKA LAX005 - „TEKUĆI TRANSFER ZA
KANTONALNI ZAVOD ZA BOLESTI OVISNOSTI“**

Zenica, april 2022. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), sredstva utvrđena u razdjelu 21 - Ministarstvo zdravstva, budžetska organizacija 01, potrošačka jedinica 0001, pozicija “Transfer drugim nivoima vlasti”, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2022. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati i kriteriji.

2. Naziv Programa

Sredstva tekućih transfera za zdravstvo koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2022. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX 005 - „Tekući transfer za Kantonalni zavod za bolesti ovisnosti“ (u daljem tekstu: Program).

3. Ciljevi Programa

Cilj donošenja Programa je transparentno trošenje budžetskih sredstava čija je namjena djelimično finansiranje JZU Zavod za bolesti ovisnosti Zeničko-dobojskog kantona, u dijelu koji se odnosi na promotivne i preventivne aktivnosti radi podizanja svijesti o značaju prevencije bolesti ovisnosti o ilegalnim psihoaktivnim supstancama, duhanu, alkoholu i drugim bihevioralnim ovisnostima.

4. Izvori sredstava

U Budžetu Zeničko-dobojskog kantona za 2022. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX 005, pozicija „Tekući transfer za Kantonalni zavod za bolesti ovisnosti“ planirana su sredstva u iznosu 90.000,00 KM, a realizovat će se donošenjem Programa i odluke Vlade Zeničko-dobojskog kantona o odobravanju sredstava.

5. Kriteriji za raspodjelu sredstava

Kriteriji za raspodjelu sredstava su Program, koji je urađen na osnovu programa koje je predložila JZU Zavod za bolesti ovisnosti Zeničko-dobojskog kantona.

U tekućem mjesecu, nakon usvajanja Programa, Ministarstvo zdravstva će predložiti Vladi Kantona odluku o odobravanju sredstava, kojom će biti precizirane obaveze zdravstvene

ustanove o načinu pravdanja odobrenih sredstava za realizaciju projektnih aktivnosti i izvještavanjem o postignutim efektima uloženih sredstava.

6. Korisnici Programa

Krajnji korisnik Programa je JZU Zavod za bolesti ovisnosti Zeničko-dobojskog kantona, čiji je osnivač Vlada Zeničko-dobojskog kantona.

Program obuhvata četiri projektna zadatka i to:

- Primarna prevencija, ambulantna, poliklinička i stacionarna zdravstvena zaštita sa rehabilitacijom, resocijalizacijom i reintegracijom ovisnika o ilegalnim psihoaktivnim sredstvima,
- Primarna prevencija i psihoterapijski tretman ovisnika o duhanu,
- Primarna prevencija, ambulantna, poliklinička i stacionarna zdravstvena zaštita sa rehabilitacijom, resocijalizacijom i reintegracijom ovisnika o alkoholu i
- Primarna prevencija i psihoterapijski tretman ovisnika o bihevioralnim ovisnostima (ili ovisnička ponašanja: kockanje, ovisnost o internetu, ovisnost o kompjuterskim igricama).

7. Izvještaj o utrošku sredstava

Izvještaj o utrošku sredstava podnosi se Ministarstvu zdravstva šestomjesečno.

II PROGRAM

Tekući transfer za Kantonalni zavod za bolesti ovisnosti (ekonomski kod 614100, subanalitika LAX 005 - planirani iznos 90.000,00 KM)

JZU Zavod za bolesti ovisnosti Zeničko-dobojskog kantona je specijalizovana zdravstvena ustanova za pružanje usluga iz oblasti prevencije i istraživanja ovisnosti, tretmana i rehabilitacije ovisnika.

Budžetom Zeničko-dobojskog kantona za 2022. godinu za sufinansiranje Zavoda za bolesti ovisnosti planiran je iznos od 90.000 KM što je za 30,8% manje u odnosu na prethodnu godinu, a predstavlja 3,9% ukupno planiranih prihoda ove zdravstvene ustanove za 2022. godinu.

Red.br	Prihod KZBO	Izvršenje 2021. godina	Plan 2022. godina	Index	Struktura 2021.	Struktura 2022.
1.	Budžet Ze-do kantona	130.000	90.000	69,2	5,5	3,9

2.	Zavod zdravstvenog osiguranja	1.739.007	1.737.000	99,9	74,1	76,3
3.	Ostali prihodi (drugi kantoni, donacije, refundacije i sl)	478.481	450.000	94,0	20,4	19,8
	UKUPNO	2.347.488	2.277.000	97,0	100,0	100,0

Planiranim sredstvima po Programu, koja iznose 90.000,00 KM finansirat će se projektni zadaci navedeni u uvodnom dijelu, a struktura ukupnih troškova za navedena četiri projekta je sljedeća:

Red. br.	Vrsta troška	Iznos u KM
1.	Plaće (bruto iznos)	64.620,00
2.	Troškovi za preventivno-promotivne aktivnosti (usluge)	17.580,00
3.	Uredski i administrativni troškovi	7.800,00
	Ukupno	90.000,00

1. Primarna prevencija, ambulantna, poliklinička i stacionarna zdravstvena zaštita sa rehabilitacijom, resocijalizacijom i reintegracijom ovisnika o ilegalnim psihoaktivnim sredstvima u Zeničko-dobojskom kantonu - planirana sredstva 38.880,00 KM

Odjeljenje za prevenciju i savjetovanje JZU Zavod za bolesti ovisnosti Zeničko-dobojskog kantona, planira aktivnosti koje se vode na dvije razine: projekte prevencije i istraživačke projekte.

Cilj aktivnosti na projektima primarne prevencije je spriječiti ili smanjiti potrebu za uzimanjem droga, dok smanjenje dostupnosti rade organi MUP-a, sudovi itd. Pravilan odgoj, afirmacija znanja su najzreliji oblici prevencije narkomanije i svih oblika ovisnosti. Stalnom provedbom organiziranih primarno-preventivnih i odgojno-obrazovnih programa moguće je veliki dio zdrave populacije djece i mladih zaštititi i odvratiti od započinjanja uzimanja sredstava ovisnosti. Uzimajući u obzir navedeno, aktivnosti Zavoda su usmjerene na uključivanje u ove projekte što većeg broja adolescenata i mladih kako bi edukativnu informaciju o štetnosti droga učinili dostupnom, sa ciljem sprečavanja upotrebe "prve droge".

Preventivni programi Zavoda su usmjereni prema sljedećim ciljanim sredinama i skupinama: kanton i općine, sistem obrazovanja, sistem sportskih udruženja, sistem vjerskih zajednica, studenti i opća populacija.

Aktivnosti u okviru programa su: opća edukacija, edukacija edukatora, razvoj zdravih životnih stilova mladih, poticanje sportskih aktivnosti i omasovljavanje sporta, izrade edukativnih resursa (dokumentarni filmovi, brošure, itd.), izdavačka djelatnost, kampanje, web-informisanje, medijske aktivnosti, naučna djelatnost, preventivna politika, savjetovalište i antidroga telefon. Cilj Odjeljenja je dostaviti edukativnu informaciju tako da bude dostupna većini stanovnika kantona.

Najveći dio preventivnih aktivnosti vezan je za školski sistem, a u sljedećim tabelarnim pregledima dati su podaci o provedenim aktivnostima u 2021. godinu i planiranim aktivnostima u 2022. godini:

Pregled realizovanih radionica sa učenicima u 2021. godini i plan za 2022.godinu		
Vrsta usluge	2021	2022
Broj radionica	49	60
Ukupno učesnika	1421	1550
Podijeljeno materijala (letak, Bilten, afiša i slično)	1421	1550

Pregled realizovanih radionica sa Vijećem učenika u 2021. godini i plan za 2022.g		
Vrsta usluge	2021	2022
Broj radionica	41	55
Ukupno učesnika	1025	1220
Podijeljeno materijala (letak, Bilten, afiša i slično)	1025	1220

Finansijska struktura troškova projektnog zadatka je data u tabelarnom pregledu:

Vrsta troška	Jedinica mjere	Broj jedinica	Iznos po jedinici u KM	Planirani ukupan iznos troška u KM
1. Plaće (bruto iznos)				
1.1. Stručni saradnik za prevenciju i savjetovanje	mjesec	12	610,00	7.320,00
1.2. Psiholog	mjesec	12	610,00	7.320,00
1.3.Socijalni pedagog	mjesec	12	610,00	7.320,00
1.4. Medicinski tehničar	mjesec	12	500,00	6.000,00
Ukupno plaće				27.960,00
2. Troškovi za preventivno-promotivne aktivnosti				
2.1. Troškovi izrade materijala (letak, Bilten, afiše, edukativni kviz, ukrštenice)	mjesec	12	300,00	3.600,00

2.2. Troškovi medijskog oglašavanja i promocije (TV, društvene mreže, novine)	mjesec	12	250,00	3.000,00
2.3. Troškovi goriva (teren, posjeta školama)	mjesec	12	150,00	1.800,00
Ukupno troškovi za preventivno-promotivne aktivnosti				8.400,00
3. Administrativni troškovi				
3.1. Uredski materijal	mjesec	12	120,00	1.440,00
3.2. Režijski troškovi	mjesec	12	90,00	1.080,00
Ukupno administrativni troškovi				2.520,00
UKUPNI TROŠKOVI PROJEKTA				38.880,00

2. Primarna prevencija i psihoterapijski tretman ovisnika o duhanu - planirana sredstva 26.160,00 KM

Odjeljenje za prevenciju i savjetovanje JZU Zavod za bolesti ovisnosti Zeničko-dobojskog kantona planira aktivnosti koje su usmjerene na kontinuiranu edukaciju o štetnosti duhana.

Cilj projekta je edukacija mladih o štetnostima upotrebe duhana kroz saradnju sa školama (Vijeće roditelja i Vijeće učenika) i studentima, sportskim udruženjima i klubovima i savezima izviđača.

Realizacija projekta prvenstveno je usmjerena na obrazovni sistem, kroz edukaciju članova Vijeće roditelja i Vijeća učenika, koji nakon provedene edukacije stečena znanja prenose svojim vršnjacima u odjeljenjima (vršnjaci educiraju vršnjake). Broj indirektno educiranih učenika u toku jedne školske godine je u prosjeku 900 učenika (36 odjeljenja po 25 učenika). U toku edukacije učenicima su dostupni printani materijali (brošure, letci i sl.), a svim učesnicima koji su obuhvaćeni edukacijom uručuju se certifikati od strane Zavoda.

Pored navedenog, stručni tim Zavoda provodi aktivnosti objavljivanjem edukativnih videa na web i facebook stranici Zavoda, kao i u medijima, a u Biltenu Zavoda se objavljuju stručni radovi na ovu temu.

U 2022. godini nastavit će se edukacija i dodatno usavršavanje uposlenika, koja se odnosi na internu edukaciju (svim uposlenicima dostupan je internet sa aktuelnim naučnim i stručnim radovima i informacijama) i eksternu edukaciju kroz predavanja, radionice, posjete kongresima, seminarima, simpozijima u zemlji i/ili inostranstvu.

Finansijska struktura troškova projektnog zadatka je data u tabelarnom pregledu:

Vrsta troška	Jedinica mjere	Broj jedinica	Iznos po jedinici u KM	Planirani ukupan iznos troška u KM
1. Plaće (bruto iznos)				
1.1. Stručni saradnik za prevenciju i savjetovanje	mjesec	12	440,00	5.280,00
1.2. Psiholog	mjesec	12	440,00	5.280,00

1.3.Socijalni pedagog	mjesec	12	440,00	5.280,00
1.4. Medicinski tehničar	mjesec	12	325,00	3.900,00
Ukupno plaće				19.740,00
2. Troškovi za preventivno-promotivne aktivnosti				
2.1. Troškovi izrade materijala (letak, Bilten, afiše, edukativni kviz, ukrštenice)	mjesec	12	170,00	2.040,00
2.2. Troškovi medijskog oglašavanja i promocije (TV, društvene mreže, novine)	mjesec	12	100,00	1.200,00
2.3. Troškovi edukacija	mjesec	12	90,00	1.080,00
Ukupno troškovi za preventivno-promotivne aktivnosti				4.320,00
3. Administrativni troškovi				
3.1. Uredski materijal	mjesec	12	90,00	1.080,00
3.2. Režijski troškovi	mjesec	12	85,00	1.020,00
Ukupno administrativni troškovi				2.100,00
UKUPNI TROŠKOVI PROJEKTA				26.160,00

3. Primarna prevencija, ambulantna, poliklinička i stacionarna zdravstvena zaštita sa rehabilitacijom, resocijalizacijom i reintegracijom ovisnika o alkoholu - planirana sredstva 17.100,00 KM

Odjeljenje za prevenciju i savjetovanje JZU Zavod za bolesti ovisnosti Zeničko-dobojskog kantona planira aktivnosti koje su usmjerene na izradu edukativnih videa koja se objavljuju putem web i facebook stranice Zavoda, kao i putem elektronskih medija, izradu edukativnih materijala na ovu temu („Reci ne alkoholu“), objave edukativnih materijala u štampanim medijima, gostovanje stručnih lica Zavoda u televizijskim programima, provođenje kampanje i obilježavanja svjetskog dana borbe protiv alkoholizma i druge aktivnosti u cilju educiranja o štetnosti upotrebe alkohola.

Finansijska struktura troškova projektnog zadatka je data u tabelarnom pregledu:

Vrsta troška	Jedinica mjere	Broj jedinica	Iznos po jedinici u KM	Planirani ukupan iznos troška u KM
1. Plaće (bruto iznos)				
1.1. Stručni saradnik za prevenciju i savjetovanje	mjesec	12	290,00	3.480,00
1.2. Psiholog	mjesec	12	290,00	3.480,00
1.3.Socijalni pedagog	mjesec	12	290,00	3.480,00
1.4. Medicinski tehničar	mjesec	12	180,00	2.160,00
Ukupno plaće				12.600,00
2. Troškovi za preventivno-promotivne aktivnosti				
2.1. Troškovi izrade materijala (letak,	mjesec	12	100,00	1.200,00

Bilten, afiše, edukativni kviz, ukrštenice, kampanje)				
2.2. Troškovi medijskog oglašavanja, promocije (TV, društvene mreže, novine)	mjesec	12	70,00	840,00
2.3. Troškovi edukacija i radionica	mjesec	12	50,00	600,00
<i>Ukupno troškovi za preventivni-promotivne aktivnosti</i>				2.640,00
3. Administrativni troškovi				
3.1. Uredski materijal	mjesec	12	85,00	1.020,00
3.2. Režijski troškovi	mjesec	12	70,00	840,00
<i>Ukupno administrativni troškovi</i>				1.860,00
UKUPNI TROŠKOVI PROJEKTA				17.100,00

4. Primarna prevencija i psihoterapijski tretman ovisnika o bihevioralnim ovisnostima (ili ovisnička ponašanja: kockanje, ovisnost o internetu, ovisnost o kompjuterskim igricama) - planirana sredstva 7.860,00 KM

Oblast bihevioralnih ovisnosti, za razliku od bolesti ovisnosti koje su vezane za unošenje u organizam neke supstance koja stvara ovisnost, predstavljaju ovisnosti koja se manifestuju kroz ponašanje, a često se nazivaju i nehemijske ovisnosti.

Medicinski dijagnostički modeli koji se u svijetu trenutno koriste, ovisnosti o ponašanju posmatraju kao potpuno novu klasu ovisnosti. Tako je u DSM-V klasifikaciji, uključena kategorija ovisnosti o kockanju, a ovisnost o video-igrama, računarskim igrama i on-line igrama je od 2018. godine od strane Svjetske zdravstvene organizacije uključena u njihovu međunarodnu klasifikaciju bolesti.

Cilj projekta je uticati na spoznaju da su ovi vidovi ponašanja bolest i da se kao i drugi vidovi ovisnosti mogu liječiti, a za liječenje je potrebna spoznaja o vlastitoj bolesti i motivacija za promjenom uz stručnu podršku.

Odjeljenje za bihevioralne ovisnosti u okviru JZU Zavod za bolesti ovisnosti Zeničko-dobojskog kantona sa radom je počelo 2020. godine, a od marta 2021. godine je kadrovski izmjenjeno. Odjeljenje za bihevioralne ovisnosti je koncipirano na način da se bavi:

- pripremom i realizacijom programa i projekata iz primarne i sekundarne prevencije bihevioralnih ovisnosti,
- dijagnostičkim tretmanom, postavljanjem dijagnoza i uključivanjem u terapijski program u saradnji sa Odjeljenjem za ambulantni tretman i Detoxom,
- osmišljavanjem i provođenjem istraživanja i
- informativno-obrazovnim radom, te ostalim srodnim aktivnostima.

Finansijska struktura troškova projektnog zadatka je data u tabelarnom pregledu:

Vrsta troška	Jedinica mjere	Broj jedinica	Iznos po jedinici u KM	Planirani ukupan iznos troška u KM
1. Plaće (bruto iznos)				
1.1. Stručni saradnik za bihevioralne ovisnosti	mjesec	12	100,00	1.200,00
1.2. Psiholog	mjesec	12	100,00	1.200,00
1.3. Socijalni pedagog	mjesec	12	100,00	1.200,00
1.4. Medicinski tehničar	mjesec	12	60,00	720,00
Ukupno plaće				4.320,00
2. Troškovi za preventivno-promotivne aktivnosti				
2.1. Troškovi izrade materijala (letak, Bilten, afiše, edukativni kviz, ukrštenice, ankete)	mjesec	12	95,00	1.140,00
2.2. Troškovi medijskog oglašavanja i promocije (TV, društvene mreže, novine)	mjesec	12	50,00	600,00
2.3. Troškovi edukacija	mjesec	12	40,00	480,00
Ukupno troškovi za preventivni-promotivne aktivnosti				2.220,00
3. Administrativni troškovi				
3.1. Uredski materijal	mjesec	12	60,00	720,00
3.2. Režijski troškovi	mjesec	12	50,00	600,00
Ukupno administrativni troškovi				1.320,00
UKUPNI TROŠKOVI PROJEKTA				7.860,00

Broj: 02-_____ /22
 Datum, 21.04.2022. godine
 Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
 1x Ministarstvo finansija,
 1x a/a.